



Hå kommune
Postboks 24
4368 Varhaug

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00

F: 51 52 03 00

E: fmropost@fylkesmannen.no

www.fylkesmannen.no/rogaland

Varsel om tilsyn etter barnehagelova med Hå kommune - innsending av dokumentasjon

Etter barnehagelova, lov 17. juni 2005 nr. 64 om barnehagar, § 9 andre ledd har Fylkesmannen heimel til å føre tilsyn med kommunen som barnehagemynde. Fylkesmannen skal ha tilgang til kommunen sine dokument og lokale, jf. kommunelova § 60c.

Det skal gjennomførast tilsyn med temaet kommunen som barnehagemynde, kommunen sitt ansvar gjennom godkjenning, rettleiing og tilsyn med barnehagane jf. barnehagelova §§ 8, 10 og 16.

Hovudpunkta i tilsynet vil være:

1. Kommunen som barnehagemynde, jf. barnehagelova § 8.
2. Kommunen si godkjenning av barnehagar, jf. barnehagelova § 10.
3. Kommunen sitt tilsyn med barnehagane, jf. barnehagelova § 16.

Føremål med tilsynet

Det overordna målet med tilsynet er å medverke til ei styrking av kommunen sitt ansvar for å sjå til at barnehagane blir drivne etter regelverket. Gjennom kontroll med kommunen sin praksis og etterleving av dei rettslege krava skal eventuell lovstridig praksis avdekkast og rettast opp.

Gjennomføring av tilsynet

Hå kommune er valt ut som ledd i Fylkesmannen sitt tilsyn med kommunane i Rogaland. Siste tilsyn med Hå kommune som barnehagemynde var 15. mai 2008.

Tilsynet blir utført ved ein gjennomgang av innhenta dokumentasjon og ved intervju.

Dersom vi avdekker lovbrøt, vil Hå kommune få eit førehandsvarsel om vedtak etter forvaltningslova § 16, og få anledning til å uttale seg i saka. Hå kommune vil deretter få rimeleg frist til å rette det ulovlege forholdet før vi vedtar eit eventuelt pålegg om retting.

Tilsynet blir opna gjennom dette brevet. Tidsplan er som følgjer:

Tysdag 22. april – frist for innsending av dokumentasjon til Fylkesmannen
Onsdag 30. april - opningsmøte kl. 10.00 – 11.00
Torsdag 8. mai - gjennomføring av intervju, startar kl:09.00
Onsdag 21. mai - utsending av førebels tilsynsrapport med førehandsvarsel om vedtak eller endeleg tilsynsrapport utan lovbrøt
Torsdag 22. mai - sluttmøte kl. 10.00 – 11.00
Ca veke 25 - utsending av endeleg tilsynsrapport, eventuelt med frist for retting

Fylkesmannen tar atterhald om endringar i planen og vil halde Hå kommune informert om eventuelle endringar.

Endeleg intervjuplan vil bli utarbeida i samarbeid med kommunen.

Vi gjer merksam på at tilsynsrapportar er offentlege, jf. offentleglova § 3. Endeleg tilsynsrapport vil bli publisert på Fylkesmannen sin nettstad.

Innsending av dokumentasjon

Fylkesmannen ber med dette Hå kommune å sende inn den dokumentasjonen som går fram av vedlegget til dette brevet. Plikta til å sende inn slik informasjon følgjer av kommuneloven § 60c. Vi ber om at kommunen utarbeider ein oversikt over dokumentasjonen som blir sendt.

Frist for innsending er 22.04.2014.

Dokumentasjonen som skal sendast inn, kan bare unntakast frå offentleg innsyn i den grad dette er heimla i offentleglova.

Kommunen har rett til innsyn i dokumenta i saka, jf. forvaltningslova §§ 18 flg.

Vi har fått opplyst at Hildegunn Husveg er kommunen sin kontaktperson for dette tilsynet.

Spørsmål om tilsynet kan rettast til tilsynsleiar Jorunn Helland

Med helsing

Hallgeir Bø
fung. utdanningsdirektør

Jorunn Helland
rådgivar

Dokumentet er elektronisk godkjent og har derfor ikkje underskrift

Vedlegg: Oversikt – innsending av dokumentasjon frå kommunen

Saksbehandlar: Jorunn Helland
Saksbehandlar telefon: 51568739
E-post: fmrojhe@fylkesmannen.no